

պետ էր ամերիգանի ու բոլոր ձերմակեղէնի պատրաստութեանց և շէնշող զուարթ հովարսայ բնաւորութեան մը տէր, Եսայեան Շահում և ընկերութիւն, Մ. Սըրմաքէշեան, Գրիգոր Գույումճեան, Պապոյ Էքիզէր, Հայկ Էքիզէր (որ ապա Եգիպտոսի մէջ ձեռնարկեց 1896ին առևտր. մեծկակ գործերու՝ յԱղեքսանդրիա պարէններ հայթայթելով կառավարութեան), Գրիգորիսեան Պետրոս, Գույումճեան, Մելիքեան, Յնտըքլեան եղբարք և Սըրմըրեան, Կիւմիւշկէրտան, Գառնիկ ու եղբարք Յովակիմեան (եռանդուն որդիք Նահապետ վահառական Պանտըրմացի Յովհաննէս Յովակիմեանի) որոց տոհմն ի հօրէ և ի հաւուց կրթասիրութեան և կանոնաւոր վաճառականութեան բերումներ տաժած է, Արապեան Գէորգ Տրապիզոնցի, Վարդանեան Պօղոս, Թաթարեան Գրիգոր, Գափամաճեան Մկրտիչ, Ո. Արսէնեան, Մանուկեանք, Գընաճեան, Տատուրեան, Պաքըրճեան և այլք, որ տուին Մանչէսթըրի նոր հայ գաղութին վերջնական կայք և ընկերութիւն մը արեւմտեան, կոկիկ շնորհքով եկեղեցիով մը՝ Upper-Brook փողոցին վրայ, ուր փոխանակաւ տիրացուութիւն ալ կրնէին վերոյիշեալներէն եկեղեցագէտ եկեղեցասէրները՝ Տէ'ր միայն գիտէ՝ ի՞նչ խազերով :

Իրենց նախկին հովիւն եղած է Կարապետ վարդապետ Շահնազարեան՝ էջմիածինէն Պոլիս, Պոլիսէն Բարիզ, Բարիզէն Մանչէսթըր, Մանչէսթըրէն հարաւ. Ֆրանսա, անկէ Եգիպտոս, Եգիպտոսէն դարձեալ վերջնականապէս Կ. Պոլիս աստանդական: Ինք Մանչէսթըրի մէջ հրատարակեց պարբերական հանդէս մըն ալ, և մինչեւ ցարդ իր լուսանկար պատկերը կը պատուի հոն եկեղեցատունին մէջ: Իրեն յաջորդած է Խորէն վարդապետ Կիւրոյեան skruple ու բանասէր եկեղեցակա-